



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XVIII. Erectio Confraternitatis Almæ Domus Lauretanæ de Urbe in
Archiconfraternitatem.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Queritur, an Prioribus Localibus d. Congreg. t. etiamnum competat facultas sibi a Constitutionibus concessa. Videtur competere ob nonnullas rationes.

Preces Majoris ejusdem Congregationis.

Conceditur dicta facultas dummodo adfit consensus Capituli Eremi.

Clausula.

Prioribus autem localibus, ex aliqua urgente necessitate extra Eremos existentibus eorum Vicarii, sive Superiores in Eremis remanentes nullam haberent facultatem concedendi aliis, quam Oblatis non professis licentiam egrediendi, & pernoctandi extra Eremos, & alias prout in dictis literis plenius continetur; enatum est dubium, an penes Priores locales dum presentes sunt remanserit facultas intra minus spatium, quam quinquaginta milliarius hujusmodi concedendi Eremitis sibi subditis licentiam pernoctandi extra Eremos prout ejusmodi facultas eis per Constitutiones predictas concessa reperitur. Quia vero dd. Priores locales quoad hanc partem in predictis literis nominati non sunt, nec facultas predicta eis quoad minus spatium, quam quinquaginta milliarius expressè sublata est, videntur ipsi Priores remanere cum jure eis per dictas Constitutiones concessio dandi eorum subditis professis licentiam pernoctandi extra Eremos intra minus spatium, quam quinquaginta milliarius hujusmodi, occurrentibus multis negotiis, quæ Oblatis committi nequeant, nec dilationem patiuntur cum exquiri, & expectari non possit licentia Majoris, & Visitorum, predictorum tum propter longinquam eorum in Eremo Montis Coronæ residentiam, tum etiam quia majore anni parte per longinquas Provincias etiam extra Italiam Eremos dictæ Congregationis visitandi gratia iter agunt. Quare predictus Josephus Maria Major nobis humiliter supplicari fecit, ut in præmissis opportune providere, & ut infra indulgere, de benignitate Apostolica dignemur.

§. 1. Nos igitur ipsius Josephi Mariæ Majoris votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium tantum consequen. harum serie absolvem., & absolutum fore consentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium prepositorum consilio, ut Priores locales predicti cum consensu tamen Capituli, suarum respective Eremorum, Eremitis Professis sibi subditis, propter occurrent. necessitates licentiam pernoctandi extra easdem Eremos, intra quinquaginta milliaria in eorum Hospitiis, & locis per Constitutiones predictas præscriptas, absque alio consensu Majoris & Visitorum predictorum concedere libere, & licite possint, & valeant auctoritate Apostolica tenore presentium concedimus, & indulgemus: Salva tamen semper in præmissis auctoritate Congregationis eorundem Cardinalium.

§. 2. Decernentes ipsas presentes literas firmas, & validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quancumque spectabit in omnibus, & per omnia plenissime suffragari: sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut earundem presentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate

constitutæ munitis eadem fides in Judicio, & extra illud habeatur, quæ presentibus habetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XV. Julii MDCLXXVII. Pontificatus nostri Anno Primo.

Erigitur Confraternitas Almæ Domus Lauretana nationis Picenorum de Urbe in Archiconfraternitatem, eique conceditur facultas ad se aggregandi alias ejusdem Instituti Confraternitates, nec non his impartendi suas Indulgentias.

INNOCENTIUS PAPA XI.

Ad perpetuam rei memoriam.

EXponi Nobis nuper fecerunt dilecti filii Officiales, & Confratres Confraternitatis Christianifidelium Nationis Picenorum in Alma Urbe nostra commorantium sub denominatione Almæ Domus Lauretanæ canonicæ erectæ, quod dudum fel. rec. Urbanus PP. VIII. prædecessor noster per quasdam suas in simili forma Brevis die 14. Aprilis 1633. expeditas literas eandem Confraternitatem sub denominatione præfata auctoritate Apostolica perpetuo crexit, & instituit, ac illi sic erectæ, ejusque Confratribus, & Confororibus nonnullas Indulgentias, & peccatorum remissiones, ac penitentiarum relaxationes sub certis modo, & forma tunc expressis itidem perpetuo concessit, & alias prout in eisdem literis uberius continetur.

§. 1. Cum autem, sicut eadem expositio subjungbat, dicti Exponentes Confraternitatem hujusmodi Archiconfraternitatis titulo decorari plurimum desiderent: Nobis propterea humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignemur.

§. 2. Nos igitur ipsos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodate existunt ad effectum presentium dumtaxat consequendum harum serie absolventes, & absolutas fore consentes. Hujusmodi supplicationibus inclinati, Confraternitatem prædictam in Archiconfraternitatem cum omnibus, & singulis prærogativis, juribus, honoribus, & præminentis solitis, & consuetis auctoritate præfata tenore presentium, sine cujusquam præjudicio perpetuo pariter erigimus, & instituimus; Ac ipsius Archiconfraternitatis sic erectæ Officialibus, & Confratribus presentibus, & futuris, ut ipsi alias quasque Confraternitates ejusdem Instituti extra Urbem prædictam ubicumque locorum existentes eidem Archiconfraternitati, servata tamen forma Constitutionis rec. me. Clementis PP. VIII. prædecessoris pariter nostri desuper editæ aggregare, illisque omnes, & singulas indulgentias, & peccatorum remissiones, ac penitentiarum relaxationes ipsi Confraternitati sic in Archiconfraternitatem a nobis erectæ a memorato Urbano prædecessore concessas communicare libere, & licite possint, & valeant auctoritate, & tenore predictis itidem perpetuo concedimus, & indulgemus.

§. 3. Decernentes easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quancumque spectabit, in omnibus,

XVIII.

Dat. 16. Julii 1677. An. 1.

Species facti.

Preces Confraternitatis.

Erigitur Confraternitas Picenorum in Archiconfraternitatem.

Ei permittitur, ut valeat alias ejusdem Instituti Confraternitates aggregare, cumque illis suas Indulgentias communicare.

Clausula.

& per

& per omnia plenissime suffragari, & ab eis respective inviolabiliter observari: Sicque in premissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, & quatenus opus sit, supradictæ Confraternitatis, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & litteris Apostolicis in contrarium premissorum quomodolibet concessis, confirmatis, & innovatis. Quibus omnibus, & singulis, illorum tenotes presentibus pro plene, & sufficienter expressis, ac ad verbum insertis habentes, illis alias in suo robore permanens, ad premissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die XVI. Julii MDCLXXVII. Pontificatus nostri Anno Primo.

XIX.

Reducuntur ad antiquam formam Immunitates, seu Franchitiæ Gabellarum in Dohana Urbis.

INNOCENTIUS PAPA XI.

Ad perpetuam rei memoriam.

Romanus Pontifex omnium Christianissimum Pater, & Pastor a Domino constitutus, sicuti Pastorem vigilantiam, spiritualiumque providentiam Catholicæ Ecclesiæ quantum divina bonitas largitur, assidue representare studet, ita & temporalium circumspicione suorum, & Apostolicæ Sedis, etiam quoad temporalia Subditorum indemnitate consulere, eaque de causa abusus in grave Cameræ Apostolicæ, publicæque utilitatis detrimentum introducos rescere satagit, prout æquitatis, & justitiæ ratio suadet, reique publicæ salus expostulare compulerit.

§. 1. Ad nostram siquidem notitiam pervenit, quod Gabellæ, & Dohanæ Almæ Urbis nostræ, & membrorum illis annexorum, propter excessivas immunitates, seu franchitias Ministrorum Cameralium, & aliorum exemptorum, in maxima perturbatione versantur. Et quia, nisi ejusmodi incommodis occurratur, inde grave, atque irreparabile damnum, non solum d. Cameræ, sed etiam toti Urbi prædictæ; ac temporali S. R. E. ditioni, quoniam, & exteris Montistis, & aliis Creditoribus, quibus redditus Dohanarum, & Gabellarum hujusmodi obligati sunt, nasceretur. Ideo nos antiquos Gabellarum hujusmodi appaltus, & quomodo tunc temporis immunitates, seu franchitiæ prædictæ procederent, diligenter exquiri mandavimus: repertum autem fuit sæculo proximo præterito, & præsertim in appaltibus, qui sub fel. rec. Paulo III. anno 1535., Paulo IV. anno 1555., & Pio IV. anno 1564., Gregorio XIII. annis 1577., & 1583., Sixto V. anno 1585., & Clemente VIII. Romanis Pontificibus prædecessoribus nostris, anno 1593. reserptive facti fuerunt, nulla in antecessum superstitente in contrarium memoria, ac etiam per quosdam capitula super reformatione Dohanarum hujusmodi edita, & per recol. me. Julium PP. III. prædecessorem pariter nostrum Motu proprio confirmata, dispositum fuisse, ut ejusdem S. R. E. Cardinales, ac Thesaurarius generalis, Clerici Præsidentes, & Ministri Cameræ prædictæ, omnesque alii exempti ratione mercium, & rerum quæ pro eorum proprio usu advenirent, & non

aliter a Dohanis, & Gabellis hujusmodi exempti esse deberent, ejusmodi autem res cum eorum mandatis, propria eorum manu subscriptis, relaxarentur, prout solum esse ibi narratur; utque eadem res sic absque solutione Gabellarum relaxata, vendi nequirent, nisi facta ejusmodi venditionis notificatione Dohaneris, sive Dohanarum redemptoribus, ut illis Dohana refundere retur, alioquin fraus commissa censeretur. Verum ab aliquo ceteriori tempore, nempe circa finem Pontificatus Clementis prædecessoris prædicti, sive per incuriam, sive per inconsultam facilitatem illorum Ministrorum Cameralium, quibus ex officii debito capitula appaltus formare, ac indemnitate Cameræ prædictæ consulere incumberebat, ampliari ceptas fuisse immunitates, seu franchitias ad res, quas dicti exempti in tabernis mercatoris, apothecis, & repositoriis, sive ut vulgariter dicitur -- *Nelli Fondachi, Botteghe, e Magazzini* -- emerent.

§. 2. Cum autem experientia compertum sit, detrimenta, quæ per excessivas immunitates, seu franchitias hujusmodi Cameræ prædictæ inferuntur, ex inconsulta, nec ullo titulo suffulta ampliatione hujusmodi, quæ etiam Legum, & Constitutionum Apostolicarum dispositioni adversatur, oriri; hinc est, quod nos incommodis prædictis occurrere, ac dictæ Cameræ, & privatorem interesse habentium, prout summa justitiæ, æquitatisque ratio postulat, indemnitate providere cupientes, ac omnium, & singulorum appaltuum, Dohanarum, & Gabellarum hujusmodi hæcenus factorum, etiam auctoritate Apostolica confirmatorum, instrumentorumque publicorum desuper celebratorum, necnon quarumcumque concessionum, immunitatum, & exemptionum a dictis Dohanis, & Gabellis S. R. E. Cardinalibus, ac Thesaurario Generali, Clericis præsentibus, aliisque Ministris Cameralibus prædictis, ac aliis exemptis quandocumque, & quomodocumque factarum, Literarumque Apostolicarum, tam sub plumbo, quam in simili forma Brevis, Cedularum Motus proprii, & Chirographorum cujusvis Romani Pontificis prædecessoris nostri manu subscriptorum, ac aliarum, Literarum, & scripturarum tam publicarum, quam privatarum desuper quomodolibet emanatarum, ac pluries, & quantumcumque vicibus confirmatarum, & innovatarum tenores, etiam veriores, & datas, causas, & occasiones, aliæque omnia, & singula, etiam specifica, & individua mentione, & expressione digna presentibus pro plene, & sufficienter expressis, ac de verbo ad verbum insertis, & exactissime, & accuratissime specificatis habentes: Motu proprio, non ad cujusquam nobis super hoc oblata petitionis instantiam, sed ex certa scientia, & matura deliberatione nostris, deque Apostolicæ potestatis plenitudine, ac alias omni meliori modo, via, jure, & forma, quibus firmius, & validius facere possumus, usum illum antiquiorem, qui circa immunitates, seu franchitias prædictorum Cardinalium, & Thesaurarii generalis, Clericorum præsentium, aliorumque Ministrorum Cameralium, ac aliorum exemptorum sub Pontificatibus memoratorum, Pauli III., Julii III., Pauli IV., Pii IV., Gregorii XIII., Sixti V., Clementis VIII. prædecessorum, ut præfertur, servabatur, tenore presentium innovamus, & reducimus, ac perpetuis futuris temporibus inviolabiliter observari debere statuimus, decernimus, & ordinamus. Inconsultam verò, nec ullo titulo suffultam ampliationem, & innovationem prædictam, quam quidem sub Constitutionibus exemptionum, & franchitiarum revocatoris similis memoriæ Pauli V., Urbani VIII., Innocentii X., Alexandri VIII., Clementis IX., & Clementis X. Romanorum Pontificum prædecessorum pariter nostrorum, ac etiam nostra comprehensam esse

Abusus postea introductus.

Dat. 14. Aug. 1677. An. 1.

Exordium.

Causa Constitutionis.

Mos antiqui Franchitiæ Gabellarum in Dohana Urbis.

Firmatur mos antiquus Franchitiarum.

Revocantur omnes immunitates, quoad abulum recenter introductum.